

皇清文穎續編

皇清文穎續編卷四十六

賦

聖駕東巡恭謁

祖陵賦 謹序

劉躍雲

皇上御極之四十有八年秋八月

車駕自瓌陽起塗詣

興京恭謁

祖陵禮也昔

聖祖仁皇帝臨御六十一年凡三舉是典我

皇上纂承

先緒夙夜不敢康自乾隆八年修謁以來四十年中

致敬思虔旣勤

三至而美牆之慕結於神明至是復考舊章

躬行展謁如初禮猶歉休哉

臣

聞孝經曰昔者明王

以孝治天下故得萬國之歡心以事其先王方

今貞符畢臻百姓和樂

皇上反本追始用光

前謨仁孝之義備焉慶賞之典行矣臣謹效成周雅

頌之旨拜手稽首而獻賦曰

於皇我

后繼承丕基累愛襲恩含生阜熙絜天經以爲矩將  
總宙而貫之遠通元穆之化內究神明之儀申吉蠲  
而歌樂愷薦明德而迓

鴻釐永夙夜而祇栗凜紹衣而不違者又五年於茲

矣靈貺告臻瑞應存至五緯相汁於尾箕九愬聚符  
於燕翼積和氣而降雰縈

至孝之格被炳玉燭以候時挈珠囊而闡治神人之  
和允洽姚姒之軌畢備乃

命史官進太常戒輿衛諷吉良策山靈而効駕屬方  
神而除梁灑游塵則飛雨集清砥道則靈風颺啟天  
閭之迭蕩下

雕輦於東廂然後

天步舉華鐘鏘孔蓋設辰旒揚駕

六龍之蜿蜒爭沛艾而騰驤吉行之禮旣具

天子乃以誠孝之意式之穆穆焉皇皇焉蓋將四

詣盛京而有事於

神鄉也先是當七月流火之期旣有

成命時則溽暑未闌水潦方盛金欲爍而賴烏翔泉  
方激而素珠迸

帝有厘焉謂蒸鬱甚則駝馬疲跋涉艱則丁男病周

先庚與後庚緩三旬而著令候天文之協祥占壽星  
之景正由欒陽而首塗共臚歡而稱慶卿雲在霄明  
月萬里虹霓挾彩以西接軒轅應軫而東指循左輔  
以逶迤覽襟帶於遼水

屬車萬乘襜褕穆纚統乎五衛之衆七萃之士雲罕  
九旂瓊鉞入藻隱隱鱗鱗紛紛旒旒憲

先靈而齊軌昭榮光於

帝里合萬國之歡心以敬恭夫禋祀夫我

大清之受命也肇於大東扶輿鬱積王氣所鍾結秀  
於巫閭發源於混同含霞飲景則長白爲之雄焉流  
虹吐鯨則滄海爲之宗焉揭八荒而包六合光昱昱  
以蒸龍翩靈鵲之翻翮致朱實之華豐埽欃槍而定  
宇齊璣璿而正功衍曼珠之鴻緒開風氣於渾蒙鬱  
丹邱以相望儼

靈爽之在空肅肅

陵園九九松柏石馬趨風金鐙照夕羌霧合而雲迴



護千年之

劍舄踵

初駕而四之企

羹墻其猶昔迺序宗藩迺班侯伯相與聳誠翹思光  
闡

靈繹吸瑤華而散芳擧薜荔以爲席樵蒸焜上遵豆  
有奕雲韶式歌

神用降格夫

天子以大饗之禮接乎

祖

宗豈無重壇之蒼璧豈無內鎮之黃琮而乃登蒲海  
之珍剖蔥山之璞彩奪乎十華光絢乎五穀薦

九廟以揚蕤念

陪京而致慤

詔禮僚以將事安

明靈於寢幄仰

舊澤之孔長終赫赫而濯濯故能召樂和之聲致曼  
壽之歌馨香感於

神明聲教迄乎南朔

天子曰於未已也爲問騂繭在豢有盼蠻未達其誠  
者乎爲問鐘鼓在懸有酒醴未洽其情者乎爲問高  
年有遺榮而芄野有歎聲乎跛行喙息有或未遂其  
生者乎余祇奉

先烈寤寐靡寧固將究上下而憲厥成也維桑與梓

駕言蒞之九市開場鱗接羽差

清寧之宮丹拱繡楹永福衍慶麟趾闕睢素威司釭  
青琬璉芝周親庶僚濟濟師師慶

光華之復旦耀金鏡之圓規蹈上德而罔越

神穆穆其有思爾乃瑟調雲和管奏孤竹九鐘鏗發  
工乃鼓祝八佾合舞五聲相復皐搖泰一歆致靈族  
昭華覆之威威引神光而下燭狀燎熏之配藜藿清  
壇而介福於是掌和受齊大官奉膳芳藥之羹雕菰

之饌糾宗綏族嘉肴並薦溫酎躍波登降飫宴笙歌  
間歌三爵斯徧

天子觀臣庶之悅豫覩民物之繁昌乃

下明詔申舊章澤與雲游恩從風翔優十資於霜耆  
晉三錫於鵠行蠲租庸之額賦普甸服與旗莊

醲化浸於萌生極九垓而洋洋北燮丁寧南賓越裳  
西款白題東接扶桑與夫貫簪蒙錦銅饒蘆吹之俗  
莫不奏環贄雉稽首而來王宜乎衆庶承流綿區鼓

舞急公旬而子來紛麇至而鳩聚夫大奏爲防用界  
壤土環雞鹿以雄峻矯鳳凰其容與取殊裁於八都  
遂命儔而歎侶揚萬鎚而星飛曾不候乎鼙鼓蓋自  
庀材於司空給帑於太府五年以來修隍浚池凡依  
限而藏工者一十八所當斯時也情通乎上下化洽  
於陰陽膺多福以安念極愷樂其未央以蒐軍實則  
赤羽白羽非不容容裔裔翼舒而箕張也以行秋獮  
則五校七校非不洶洶旭旭鷹搏而鵬翔也而乃

釐典訓德雍容揄揚闡坤乾而選義綜古今而激芳  
巍然

祕閣接乎文昌沿流溯源珠海浮航埽落葉之紛總  
辨三豕與四羊仿規矩於天乙殫經營以十霜際同  
文而同軌合車書於萬方且夫禮尙自然神鑒太清  
故先慎乎德厥孚乃貞若徒侈羽獵之談誇宮室之  
名則上聖所勿營也我

皇上眷

櫛沐之故區訪遼瀋之舊俗弭節枌榆徘徊瞻矚但  
見都都邑邑四望相屬民孝弟而力田咸去末而反  
樸信

先澤之靈長揚

天藻之郁郁彼漢高之三侯徒泰然其自足是猶棘  
林螢耀而與乎櫛木龍燭也烏足云乎哉

天子於是乎已事而竣言歸於京五位時序百度修  
明驗北陸之晷正告



東陵以禮成修

望祀於山川霏瓊蕤與玉英朗朝日之升曜朱霞冠  
於

鳳城迴飛雲之袷輅返垂虹之華旌轅童壤父歌咏  
太平者莫不舍和吐氣玉潤而金聲頌曰

皇巡自東厥惟四兮

列聖在

天肇卽闕兮光靈旭卉聞珮璫兮懿懿芬芳禮告備

今儲精匪

恩永錫類兮瑤漿蜜勺歌既醉兮

禋躬遵道用昭示兮本支百世保昌熾兮

聖駕東巡恭謁

祖陵賦

謹序

江德量

乾隆四十有八年八月

皇帝時適於東四謁

三陵

孝思永錫懿典備舉十月

駕還京師垂光儲慶中外禔福汪汪乎丕天之大律

也

臣

備職柱下獲敬觀金鑲石室之秘竊不揣

黜淺規王褒講德之義製述

祖德賦一篇以推原

家法掄揚

皇道謹拜手稽首以獻

對盧陪臣憬誼蹈仁樹頷仰化抗手移珍聳羅冠之  
崑岷曳鉅帶以袞粉縱縱莘莘款榆關之九塞迓  
芝蓋於四巡

皇帝柔遠人醺故宮饁寧餉斟衢尊醇耐波躍嘉饘

騎陳傾崑銘惠酌瀦測恩海國蟣臣譬肩贖之蔀而  
卽簪緯挾龔之闕而聆經鈞聘眙眇轉以罔臻其壘  
垠已事而跋不知所云踰位卽席托於遊藩里君曰  
皇兮將兮於顯樂都麗且康也緬余下邑早希末光  
粵妙宏廓之野誕始觀乎

大邦竄江華而維咽壇三田而譜賴勒翠琬以銘德  
履履屹余北疆茲余迎

寶軌瞻

神基鬱山澤之元氣敞金湯之宏規華闕朱堂庇厯  
柴池琦寶瓊品儵爚陸離縱顧名而待質陋謏聞與  
異辭幸吾子之莫余盲而有以進之遊藩里君曰吁  
何子之矜夸宮室保界河山詫品物之鉤驚珍瑰之  
蕃而已哉歲稽癸亥

卜征伊始甲戌戊戌逮今四指自

王畿以戾

留都葢道邇今千五百里四十八年以來崇效卑法

成天平地又河壩晏海滙周月崙浹日際是三代之  
君所法籙恭默殫精孜孜猶瞠乎其不及者也何我  
皇之不遑遐逸而動叶天則也疇道之從熙績罔斂  
何軌之高提釐弗勞橫甸衢倖方被帛飫粟擊壤且  
謠苟不知而不識曷克倣華封而祝

堯試往咨之橫甸衢倖以不敏謝而同造乎瀋黷諸  
生傴然動色盱衡而言曰今夫泰岱祖靈脈於昆侖  
故鎮奠者大河瀆導長源於星宿斯澹灋者遠窺天

者必宗其元講德者貴返其本閒綴興誦獻

瑤軫竊敬繹乎基命之符而窺

皇德之所以丕顯焉於穆

皇清肇啟大東鍾長白之神偉濬闔門而沖融朱果

毓

聖爲之定亂於其中

肇祖恢宇爰建

上都



三聖繼照益地膺圖剪如虎之虺詒靖躍牛之恣睢  
布寧古塔以拱衛大提一之權輿

啟運簪岑蘇流縈紆偃瑞榆而葆澤實生民之厥初  
洪惟

高皇握袞懷珠襄斗戴鈴

琦表玉立享九穹而於昭監四國以有赫龕渾河剌  
哈達擲棟鄂拔王甲犁葉赫墟輝發掃窩集掀訥殷  
釁烏喇馘哲陳踣錫伯鏖呼倫解護項而九部遁峙

大厥而萬濟賓次古時而珥日籌蒙古之如雲迨乎  
七恨告

天赫然一怒撫順人歸厨峯神助料清河之程紆扼  
鐵背而險據張太蘭之正旗壓界凡而克遇螺嗚呼  
蘭而雷殷矢激富察以雨注誦我

皇書事之篇覺銳氣蹻容凜凜乎士馬猶未慄怒也  
勢已握於建瓴謀無資於借箸啟  
天心而寤靈植瀋陽而永固欽若

太宗階塗攬英抗稜布德功成世貞跨老河括大安  
趾龍井蕩洪山收順義於一揜薄燕京而仍還寧遠  
作障松杏其衝肆先機以制勝神從禽於發蹤蹴筆  
架而糗積陟高橋而冠窮燦揚威於連塔奏擒渠於  
呂翁宅道炳緯垂裕纂隆

天柱矗以截嶭

隆業崛以恩稟恬雙流之灌漑鞠三關之寵從肖白  
義而銘石攀烏號而墮弓萬流奔慶仰福

元宮

聖祖式典三酌

珠邱

世宗潛邸代祀縣璆

皇上攬龐禡纘鴻緒規

天文繩

祖武上

陵聳誠大儀四舉惟

列祖之開天光宅也法乾之不息

皇上之善繼善述也率履而不越更卽幾康所由勅而闡作求於

世德稽天命之七年闢八門而詆蕩錫鞶靖之嘉名示謙沖而處讓今之呀淵池而新崇墉者所以肯

鴻構而取大壯也綴國語與切音紹六體於千聖設宏文與秘書儲萬卷於三院今之聳藻閣而貯錦贖者所以宗學海而溯

皇澗也射罽羶虎羣仰

神武蓋

同揆乎

穿楊聚五服鉏翁金而挽強弩也伏飛期門校其率

穀蓋

聰聽乎

卧碑教冑傲庫爾禪之欲曳廣襃也崇德之元璇璽

貢靈景貞符之鳥奕篆

冊

寶之芝英武備之修

頤衽垂章續表貉之舊典式蒐獮於蘭防

崇壇九成德盛之郊

太廟重屋撫近匪遙循

路寢居歆之遺而凝祐於瓊椒標雞竿豁棘林追法  
乎

釋洛科之中鉤驅不誠於前禽增生員采謠頌遠紹

乎

經辟雍而興教廣津逮於

翔鳳渾河巨流琳宇孔修無慮北鎮焄珠昭敬恤功  
陪瑤漿普零渙邱復租烏尾畢逋灝熒熒曼羨  
沕涵胥以廣

神惠而子何忘

帝力也若夫緝

龍興之方畧弄



鳳樓之

實錄繪

戰圖而披百四

詠全韻而冠百六

賦觀風於

陪京

續輯覽於綱目實勝

神弧

長寧

法服翼

大政之十亭樹

皋門之二木靡不被風雅寄揚摧故繼

序以緝熙乃紹

庭以緣督至於山川城邑之制民俗物產之蹟固協  
氣之丕應而亦頌颺之末也哉於是三子瞭然有聞  
造然革容轉轉殿殿操土音以歡迎

鑾之章用翔洽乎

皇風

興京辭曰皇皇

天邑萬物由庚旅原卽芮館緬於幽呼蘭屹率加哈

盤滌

天子戾止式顯靈承

盛京辭曰

遷豐作邑於瀋之陽巍巍

皇清文頌續編

卷四

賦

七

列聖葉葉重光我

皇享孝工歌溥將奉時蒸嘗祚我萬方蒙古辭曰貢  
九白兮千騎趨駕柴輪兮厲庫奴口琴觥籥嬰含哺  
灰簡木筆難殫書千春萬禩

膺寶符朝鮮辭曰嶽賈賈兮川憬琛仁風衍兮翔東  
瀛

玉鸞和噓兮拜島臣

奎藻煥兮色紛緼永鎮南漢兮欽

帝文歌聲應節鑿鼓軒舞太史陳之世於樂府

聖駕六巡江浙賦

李堯棟

吳根越角之鄉海晏河清之際

位乘六而儀天春閏三而啟歲導川省奴載之成咨  
岳踵虞巡之制延鵠望於茆檐觀

龍光於藻衛庶風雨兮星從值江山之春麗則有宿  
源東注渤澥南浮海潮白馬河岸金牛輩新塘於羅  
刹亘石堰於徐州奠坤維而疏澤國劃天塹而障橫  
流汎桃花之錦浪霏草色於銅溝歌復歌兮

帝力望復望兮

宸遊

皇帝迺御鵷輿翔鸞輅啟天閭清馳路倏黃圖而左  
轉望青郊而徐度千旗搖旭景之光萬馬試春風之  
步鳴鑾而曉色侵星夾道則香盆吐霧淀鏡水開山  
稜雪露細麥平原垂楊芳渡喧葭吹於亭皋颺鞭絲  
於驛樹於是齊煙點點嶽色蒼蒼雙流洙泗數仞宮  
墻鼎鑊式凡詩禮升堂玉振金聲之韻珠衡日角之

光証

淵源而揆合

作君師而道彰杏環壇兮花始芹在泮而波香禮姬  
文之赤舄授金繅之清陽聆歌詠於沂水飛遊賞於  
山梁行行山遠緩緩春長爰停

清蹕爰

御安航三湖浸碧九曲流黃虹橋幾里鷗波六塘旣  
觀風於魯甸乃稅



駕於陶莊爾其月映淮流河從天落入海爭門瀦湖  
成壑排濁浪而餘強引清波而敵弱道錯支分增卑  
培薄惟

帝照之鑒觀洞神泉之脈絡易陶甓之參差斲碑材  
之峩峩霆杵聲轟雲根石斲量水誌之高低謹隄防  
之局鑰香火叢祠人烟水郭昔沮洳兮汙萊今菑畬  
而耕穫徒觀夫三堡六堡高堰雲梯循河直上彭城  
楚西南岸北岸長隄短隄雲連蕭碭山接韓全梁洪

聲震黃樓檻低岸連山而築石隄插柳而成蹊跋戲  
馬之層臺尋放鶴之幽谿荆山橋遠下沛城移佇  
天臨之相度慰民望於雲霓若乃海國新州鹽官舊  
縣日浴波紅潮來雪濺東海口以三疊起濤頭於一  
線舊斛土而量錢又沙移而谷變自

捐授鱗塘修防虹堰石槌縱橫桑麻沃衍

巽命重申土隄復繕水衡之百萬頻捐犀弩之二千  
罷戰溝草鋪平堤楊栽徧疊障重門澄江淨練迎

鑾而海若先趨候

仗則靈胥舞抃昔之刻玉

堯遊乘櫟

禹度際

聖烈之重光荷平成之

謨畧東南財賦之州食貨魚鹽之樂桑徑蠶眠蘋波  
燕掠茗塢旗槍筍厨粉籩畦菜黃花村桃細萼拍水  
飛鳬蕩湖青雀短簫長笛之聲錦纜青絲之竿暮雨

燒歌輕陰花幕莫不樂山水之清怡愛陽春之照灼  
豈知

運寶思於

宸襟厪

疇咨於民莫故能都會殷闢田疇耕鑿

行春則里鼓先鳴

闔澤則衢尊徧酌若其名山蹲嶽雲深翠重草堂鍾  
阜紫閣玲峯南朝山色北固軍容一簪浮玉千尺飛

淙水簾聒耳巖雪盪胸支林竹韻鄧尉梅穠銅井之  
茶歌互答錫山之筠鼎清供別有吳山天目秀萼青  
蓉香幢三竺波濤萬松峯來飛鷺洞鎖黃龍雙高天  
倚九曜雲封門對江湖之地香飄月桂之宮暮烟平  
遠朝嵐淡濃峭嵌空而雪色絕境路而雲通若乃襟  
帶江湖汪洋浩渺雲影天光風帆沙鳥瓜步潮迴邗  
溝春曉中冷楊子之津桑苧垂虹之道滄浪水清橫  
塘歌竊滙震澤之空明浸姑蘇而繚繞浮洞庭之兩

山納淞婁之三泖堠鷺亭亭檣烏緲緲登烟雨之飛  
樓浴鴛鴦之湖草況復明聖湖邊春波藹然六橋草  
長三塔潭圓花時春社鏡影壺天宅尋梅之高士祠  
凌波之水仙花中蕩槩柳外停船落紅點水新綠浮  
烟駐

六飛於瀛島對萬頃之淪漣乃有蘭若松寮紅牆白  
塔香海潮音花龕禪榻夜月鏗鯨朝暉怖鵠寺古山  
深峯回翠匝亦有別墅名園疏泉疊石水木清華樓

臺金碧無不邀

帝藻之遊歌寫

天章之寫奕況復

詔開三閣書擁百城嫋嫋雲護羣玉山橫赤文綠字

畫棟飛甍

命傳鈔夫秘簡拓聞見於鯁生若乃

輦路經臨

德音洋溥戒館宇之雕華肅鈞陳之隨扈

渙汗絲綸軒鑿鼓舞

澤浹肌淪數難指僂獇駿

前文丕承

下武萬年

家法之垂

五世

天申之祐

椿齡則祖幹長榮桐閭則孫枝再吐邁前紀之六人



更

古稀之重觀帝夏皇春乾樞坤戶熙

樂壽之延洪導貞元之和煦而我

皇上猶穆然凝神淵然

紫宸敬思作所明燭無垠勅時幾之遲速

立謨訓之精純在振綱以挈要曰

體物而勤民益孜孜兮惟日自皞皞兮長春

聖駕六巡江浙賦

謹序

戴衢亨

臣

衢亨猥以庸下獲依

樞禁扈

屬車恭遇

皇帝六巡江浙

躬覽河隄海塘用嚴成事於時

閭澤澍濡鴻儀曼羨億兆驩訢宙合翔洽將以闡靈

繹迪

前光省方觀民爲萬世規其大者赫赫昐昐臚載於  
詔旨至夫

聖謨廣運經緯密勿義備於

御製南巡記執簡操筆之臣雖欲摹繪儀璘窺測燾

載知無當萬一矣顧

臣伏觀

翠華所莅閱十有二旬周歷數千里陽春煦育無物

不被下逮輶童壤叟咸思鼓舞軒轅以宣

盛化竊惟玉刻堯年圖披媯水第稱符瑞未極詠歌

若夏諺之紀豫遊周詩之賡哀對據事敷陳爰  
所揚挖班固有言賦者古詩之流小臣不揣弇  
陋謹附六義之一拜手稽首以獻言愧不文意  
存紀實其辭曰

歲闕逢暨執徐兮首蒼帝之司春斗杓迴於端月兮  
冀英敷於浹旬罔三靈之協氣兮泝八埏而化鈞  
天子乃居左个撫元辰慶

湛恩之龐鴻兮欣繁祉之畢臻

念東南之兆庶兮依水國以畊耘周吳封及越壤兮  
實河海之攸濱溥剔曩與疏濬兮仰

大禹之克勤緬

五度之省方兮適荒度而

躬親

命畫吏以程功兮懸區畫之紛綸莫永逸於一勞兮  
載展義以

時巡爰諏吉日布

新詔勅鶴禁以偕從兮振

鸞輿以前導扈駕行之濟濟兮翼虎旅之矯矯聯勾  
陳以來衛兮戒飄伯而汎掃萬靈肅穆以相扶兮千  
騎殷鑾而無擾於是發

紫纁指黃圖繡錯紆其亘埜櫛密紛其布廬斥華鐙  
之繁縟兮省供帳於交闕先始和而施惠兮踐廣陽  
之首塗瞰臺樹之蒨鬱兮步花宮之縈紆度琉璃之  
滑笏兮攬督亢之奧區灌白溝及紫泉兮衍原隰之

膏腴循燕趙以接齊魯兮提封亘千里而有餘懿夫  
嶽瀆之靈東方爲最其山則泰岱稱宗雄峙震位天  
門日觀層霄隱蔽噓噏風雲吐納烟靄實萬物資生  
之原

帝用齋心而肅拜其水則益滎會河濟流合派由牟  
與燕汶河斯在導洙泗而交流滙沂沭而遠邁迺經  
闕里釋奠告虔陳舞佾薦豆邊攀松檜之虬蟠兮望  
柞枌以蔚然澄碧藻於泮池兮訪陋巷之先賢對宣

牆而仰止兮鬱乎金鐘玉磬之淵淵

皇帝載揚雲罕展鳳旗耳充衢之歌頌兮指三吳而  
前驅曠澤國之漣漣兮瀉河流而灌輸帖漫口之洪  
波兮刷六塘之埂淤開竹簍之高牖兮洩駱馬之巨  
湖築李莊之新壩兮浚楊莊之舊渠完沛邑之城堞  
兮護宿預之井廬俾轉漕之攸利兮亦估舶之同趨  
昔陶莊之收障兮籌積壤以分疏移木龍而挑溜兮  
觀水誌之適符果成效之克奏兮奚灌清之足虞此



我

皇數十年之諮度乃獲規此悠久之模既周覽而悉  
協遂登於

安福之艫於是履射陽之西北睇石隄之鱗列高堰  
封而常固車邏繚而相接達覆盃而泛舸詣上方而  
控勒覲蜀岡之緜邈顧蕪城之壯傑泝瓜步而乘潮  
騰水翼而鼓檣凌皓鏡兮洄沿蠡三山兮巉崩紀剛  
底之來源禮浮圖之層疊海門束兮震盪京峴橫兮

觀業伊南戒之山川極壯觀而罕匹者也若夫舟楫  
晉陵之郭寺臨錫麓之傍通明亭與暗竇環圓沼與  
方塘茗椀則清泉曉汲筠鑪則梵宇深藏遡梁溪之  
一碧俯萬井於金閭閭闔撲地烟火相望虎阜倚翠  
獅林鬱蒼支硎之飛湍瀉玉靈巖之古榦連岡坐臨  
湖之廣榭眄具區之淼茫窮吳都之詭麗紀勝概而  
曷可詳然而

聖人之豫遊非徒侈觀瞻之綺靡而已惟吳胥之連

壤兮實延曼夫構李峴桑土之沃饒兮軫蠶事之方  
起眺烟雨之層樓兮挹滌湖於尺咫列蟹舍與漁莊  
兮怡風日之清美帶鶴渚之彎環兮冠鼇磯之竦峙  
厘浙西之保障兮望海圻之渺瀰界重疊而列嶮兮  
迸尖塔之驚駛控朝潮與夕汐兮勢激湓而俯危翁  
影沙礫石而蕩颺兮巨鯢渚鮒潯而迤邐匪楫竹之  
可禦兮詎束薪之足恃賴

宸謨之淵邃兮屢

躬臨而閱視發大府之金錢兮甃石坦者數百里屹  
乎其如墉兮布鱗鱗而列齒齒接范隄以堅築兮息  
穿穴於浮蜚誠安瀾之永慶兮仰

天顏之有喜爾其按錢唐之古郡經聖湖而載過鸞  
花旗旒金翠駢羅樓閣隆隆其亘霄橋榭宛宛其映  
波架講堂於七葉凌翠堵於六和三生之石磊礫九  
里之松婆娑水藻映潭風篁蔽阿荷  
宸遊之俯睠詎殫賞乎物華遂乃旋

蹕金陵觀風建業有象郡之陪貳兮奉琛幣而効職  
嘉底貢以稱賓兮孚遠來而近悅遡龍蟠而虎踞兮  
信形勝之天設禮園楸而增崇儀兮澤邱墟於勝國  
訪朝天之遺趾兮想鬱羅之飛鳥對雞籠之層麓兮  
瞰龍阜之穹脊躡栖霞之玲瓏兮圍碧峯而翠嶺信  
恬波而迴艦兮俯江天之一色然後維揚再經楚州  
重蒞指黃樓之翠屏涵大彭之雲氣佇周莊於上游  
迄韓山而疊砌揚錦波於魚臺進長颿於通濟歷九

十之韶光鬯時薰而廣被感大造之

鴻施普驪呼而騰沸則有扶榛之叟驂篠之童踵脊  
趾錯笑語于喁含哺鼓腹時和歲豐猶復飽倉廩之  
稠惠兮荷支貨之攸同旣夙負之全蠲兮遞減除乎  
正供資霑卹之優徧兮懋褒甄於農功先春田以逮  
海府兮計禺筴而流通俾筦輸之持贏兮沐膏澤之  
醇醲念纓草而履菲兮守拘縲而途窮停禹車而解  
湯網兮貫索之躔遂空又有精士練材射長挽勁駕

鰲臙以如飛肆水犀而暇整紛魚頡而鳥旃齊握奇  
而圍陣莫不飮官廩之匪頒迭引疆而制勝又有莠  
苑翹材長楊競奏進

螭陛以抽思履鳳池而擢秀嘉耄耄之宿儒署新銜  
而克副頌

仁宇之如春郁菁莪而集薪樗若乃

聖涯廣泳

奎文騫舉騰黼彩於

雲章儲瑤編於秘府構綺甍之三閣驛珍函之萬部  
額文滙於大觀之堂屹文宗於金山之澣並天一而  
峙文瀾壯巍峩於聖因之琳宇所由冠德卓蹤觀化  
成而躋隆古也洪惟

聖人曼壽福與

天齊介

行軒而送喜翹

五代之孫枝博徵祥於冊府昔帝王曾未有斯欽



聖系之龐鴻兮孫生孫以延

祺符三多之祝華封兮軼百男之詠周詩慶

仙源之輯瑞兮際

古稀而又稀臣謹摘毫而作頌曰

皇帝至德符

昊蒼大禹綏阜福溥將五歲再舉勤

巡方法駕南嚮宣

重光

睿謨指授敷洋洋河激解奠波不揚春臺普躋年豐  
穰金繩玉檢紛煒煌瑤圖

五世天支昌縣縣瓜瓞周篤慶千億萬載歌

聖皇

聖駕六巡江浙賦

謹序

陳萬青

洪惟我

皇上握符闡珍錫羨拓統幘幪所及涵泳

聖涯咸延頸跂踵冀時覲

天子光吳越近在南服自辛未迄庚子五莅

玉鑾湛恩汪濊億兆醲濡

雲日之思融融如也於是大吏以下情陳

制曰可愛以甲辰孟春諏吉南

巡狩取道山左首謁

孔林簡扈衛恤烝徒敘僚采蠲租庸賚耆耄登峻  
良肆薄胥惠戎行肖翹之屬抃舞恐後乃纘禹  
之績周歷河海

親示機宜鉅工畢巖

臨御文滙文宗文瀾三閣

睿容有懌

天藻頻題凡在士林靡不額手誌慶

臣

欣逢

盛軌敬取敷陳之義撰賦一篇拜手稽首以獻其詞

曰

粵若稽古帝斟元升德不冒函夏府事敘飭暢殄泝  
埏樛登庶績爰述成憲巡河刻壁匪哀對之是矜用  
圖大而光宅繫吳越之在東南也元枵臨其躔婺女  
耀其封三江五湖匹練搖溶伏秋汎駛潮汐濤衝四  
瀆居其三而河爲鉅百川輸其委而海爲宗  
皇上握金鏡炤珠囊觀民設教

德博化光晷緯昭應岳瀆呈祥已胥躋乎

仁壽之域而遊慈惠之鄉有江介耆民進而稱曰明  
憲度者考遐邇厘痼瘵者逮海隅故崆峒稅駕具茨  
問塗懷柔賡於周雅肆覲紀於虞書今

聖上斟範酌典主敬行健曩者我儕小人翰葵藿之  
忱企雲霓之倬惟跂惟翹望歲比恪覲

五幸之上儀惟求寧而求莫夫衷高厚者何地而弗  
尊屬毛裏者何時而弗親仰

天顏之色笑至延佇於三春於是方鎮牧伯敷情上  
陳匪詭匪飾達於

楓宸

天子乃勅司天練良日載青旗紆

華蹕常伯陪乘金吾奮節煌煌煌煌鹵簿齊列時則  
天閭迭蕩瑞旭曠曠玉河之斯乍泮桑乾之溜將融  
經黃圖於三輔敷湛露之滋醲周度乎三十六淀醞  
釀乎二十四風於是度燕趙達兗徐平鄉闕里實惟

首塗緬泉林而怡衍協山梁以清娛訪

素王之車服躋

聖敞而翼如繁杏方苞古楷有舊瞻詩禮之堂啟金  
絲之殿閱古范而摩挲暈銅斑而璀璨契道揆與心  
傳俸千秋而如見且夫崇儒而設教者登閎之茂理  
也先河而後海者疏濬之隆軌也繫河之與淮合也  
關漕運繫積瀦安瀾上策惟懷永圖乃召司空乃召  
司徒擴清口之戶挾雲梯之淤歸正河之故道培高



堰如置孟韓山奎山左右環郭易磚以石置吏設夫  
陶莊奉香穆穆愉愉彼飛星之五老胥來告乎祥符  
爾乃踰淮陰駐廣陵望城霞之閣憶竹西之亭喜甘  
泉之接境酌茗椀而調馨沿

龍舸與

鳳艚眄水綠而山青隄柳疑烟澗梅霏雪七十二峯  
屏障交列天平寒山緬懷曩詰爰陶詠而舒吟供

至人之怡悅由吳渚指越疆賞高樓之烟雨盼明聖

之湖光六橋三竺花柳聯行一碧萬頃巖香隄長  
上方愼遊豫課農桑軫佃夫之于耜飭紅女之懿筐  
祇作所於無逸勤

清問於未央若夫七郡上遊三疊左隘滯積渾於中  
流慮北徙而衝潰倚險築塘屹若脛塞迤鹽倉之東  
西演百里而相逮壘堅石截盤渦畚土填壑植柳聯  
柯范塘繼築凹凸陂陀螭碑屬肩鷺堠嵯峨濺膠沙  
於地利驗不日於人和疊雲根如山岳沛金錢如江

河觀成紆

軫永靖鯨波蜿蜒乎八十餘丈比禹功而孰多轉七  
萃移

六飛指朱方與白下挹江郭之芳菲攝山霞罨鍾阜  
雲霏睹舊京之遺址覈志乘之前非至

恩資之厚則給復蠲租連村比戶軫漕粟以連檣恤  
烝徒而增糈雪練簡乎樓船青草茁乎囹圄優曜髮  
兮皤皤廣青衿兮楚楚揚馬鄒枚橐筆在序擢五字

之英材遂迴翔乎

紫籞至

儉德之昭則勿斲采椽勿翦茅茨蒿亭栝柱率由舊  
規不損官吏之廩祿不煩閭閻之粟絲懸膽黃之

玉詔若草偃而颺馳至

文思之光則玉躡金題分庋三閣天一制侔魁三象  
倬大觀之堂是崇妙高之臺是拓曰惟滙而惟宗絢  
金碧與丹雘西湖之浹粵建文瀾琳瑯金薤奎壁闌

千儷淵源與津溯欣周莅夫

玉鑾光華騰夫

天藻傳抄遍乎儒冠朱方啟序

法駕言旋排九霄之雲罕樹

雙闕之華旃格於

清廟秉鬯申虔凡羣公庶尹咸以手加額仰

聖天子之出震而乘乾遂作頌曰

皇運洪祚自作元命率土攸攸萬方表正

帝庸省方衡律量同而疇而服而賈而通允翕懷柔  
恬波饒羨重道崇文

治訖華甸

仁壽蒸洽高元慶臻於萬斯年溥海同春